



SAKSFRAMLEGG

Sakshandsamar: Marianne Soleng	Arkivkode: FE-011
Arkivsaksnr: 19/1056	Løpenr: 21/4381
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	27.05.2021	012/2021

Val av medlemmer og varamedlemmer til røystestyra ved stortingsvalet 2021

27.05.2021 Valstyret:

Handsaming i møtet:

Marianne Soleng (valansvarleg) orienterte om endringar i lovverket. Det er ved dette valet opna opp for å velja medlemmer i røystestyra som ikkje er folkeregistrert i kommunen. Det vert uansett tatt utgangspunkt i at det er Samningar som skal sitja i røystestyra også i år.

Lista vart delt ut i møte og ligg som vedlegg til denne protokollen.

Rådmannen sitt framlegg til vedtak vart samrøystes vedteke.

VAL- 012/2021 Vedtak:

Valstyret peikar ut medlemmer og varamedlemmer til røystestyra i dei ulike valkrinsane ved valet 2019 slik framlagde forslag i saka viser.

Dersom nokon av personane som er peika ut som fast medlem ikkje kan vera med i røystestyret, går varamedlem inn som fast medlem. Lista over varamedlemmer er sett opp i prioritert rekkjefølgje.

Leiar i valstyret får fullmakt til å supplera med nye varamedlemmer og medlemmer i røystestyra dersom det oppstår behov for dette.

Rådmannen sitt framlegg til vedtak:

Valstyret peikar ut medlemmer og varamedlemmer til røystestyra i dei ulike valkrinsane ved valet 2019 slik framlagde forslag i saka viser.

Dersom nokon av personane som er peika ut som fast medlem ikkje kan vera med i røystestyret, går varamedlem inn som fast medlem. Lista over varamedlemmer er sett opp i prioritert rekkjefølgje.

Leiar i valstyret får fullmakt til å supplera med nye varamedlemmer og medlemmer i røystestyra dersom det oppstår behov for dette.

Dokument som ikkje er vedlagt:

Vallova med forskrift

Kva saka gjeld:

For kvart val skal det oppnemnast eit røystestyre med minst tre medlemmer i kvar røystekrins, jf. Vallova §4-2. Røystestyra skal administrera røystegjevinga i vallokalet.

Samnanger kommunestyre har delegert oppnemninga av røystestyre til valstyret. Det vert vald både medlemmer og varamedlemmer til røystestyra.

Det skal veljast røystestyre i følgjande tre valkrinsar: Nordbygda, Tysse og Gjerde.

Vurderingar og konsekvensar:

Det må minimum vera 3 medlemmer i røystestyret i ein valkrins, men det er også høve til å ha fleire valmedarbeidarar i røystelokala som hjelper til på valdagen. Ved dette valet vil det vera noko ekstra behov for hjelp i lokala med tanke på smittevern og koronasituasjonen. Valansvarleg vil mellom anna etter råd frå kommunelegen vurdere kor mange valmedarbeidarar det vil vera behov for i kvar røystekrins.

Valansvarleg har i samråd med leiaren i valstyret sett opp eit forslag til samansetnad av røystestyra. Forslaget vart delt ut i møtet.

Det er etter vallova ikkje krav om at medlemmane i eit røystestyre må vera busette i den aktuelle røystekrinsen, men i Samnanger har det vore tradisjon for å velja personar busette i krinsen. Dette er også lagt til grunn i forslaget.

Servicesenteret kontaktar alle personane som er føreslegne på lista på telefon med spørsmål om dei ønskjer å stilla til val i røystestyra. Dette for å unngå at ein vel personar som ikkje har høve til å vera i med røystestyra.